

【器世間清淨】（科註第五四三頁倒數第四行）

《三藏法數》：謂世界如器，隔別名世，間差名間，故名器世間。謂彼安養國土，廣大無邊，如太虛空，清淨光明，如日月輪，具足珍寶莊嚴，是名器世間清淨。

◎器世間：謂一切無情世界，皆假山河大地而成，有側有仰，名之為器，又復各各差別不同，故名器世間。

【眾生世間清淨】（科註第五四三頁倒數第四行）

《三藏法數》：謂所化眾生，隔別間差，故名眾生世間。謂彼阿彌陀佛，於一佛土，身不動搖，於一切時，放大光明，悉能遍至十方世界，教化眾生，令其如實修行，離諸染著，皆願往生我國，是名眾生世間清淨。

◎眾生世間：謂一切有情眾生，皆假五陰和合眾共而生，名為眾生；又復各各差別不同，故名眾生世間。